

摘藻堂四庫全書薈要

集部

欽定四庫全書薈要卷一萬八千二百四十三

集部

御定全唐詩卷八百三十八

齊已

齊已名得生姓胡氏潭之益陽人出家大瀉山同慶寺  
復棲衡嶽東林後欲入蜀經江陵高從誨留為僧正居  
之龍興寺自號衡嶽沙門白蓮集十卷外編一卷今編  
詩十卷

夏日草堂作

沙泉帶草堂紙帳卷空牀靜是真消息吟非俗肺腸園  
林坐清影梅杏嚼紅香誰住原西寺鐘聲送夕陽

寄鏡湖方千處士

一作寄方千處士鑑湖舊居

賀監舊山川空來近百年聞君與琴鶴終日在漁船島  
露深秋石湖澄半夜天雲門幾迴去題徧好林泉

送人歸吳

第三聯  
缺六字

比說歸耕釣迢迢向海涯春寒游子路村晚主人家

山綠過茶重尋舊鄰里菱藕正開花

贈仰上人

一本題缺  
只一仰字

避地依真境安閒似舊溪  
干戈百里外泉石亂峰西  
草瑞香難歇松靈蓋盡低  
尋應報休馬瓶錫向南攜

夜坐

百蟲聲裏坐夜色共冥冥  
遠憶諸峰頂曾栖此性靈  
月華澄有象詩思在無形  
徹曙都忘寢虛牕日照經

新栽松

野僧教種法冉冉出蓬蒿  
百歲催人老千年待爾高  
靜

宜兼竹石幽合近援獠他日成陰後秋風吹海濤

期友人

早晚逐

一作遂

茲來閒門日為開亂蛩鳴白草殘菊藉蒼

苔困卧誰驚起閒行自欲迴何時此攜手吾子本多才

和鄭谷郎中看碁

箇是仙家事何人合用心幾時終一局萬木老千岑有  
路如飛出無機似陸沈樵夫可能解也此廢光陰

寄錢塘羅給事

憤憤嘔讒書無人誦子虛傷心天祐未搔首懿宗初海  
樹青叢短湖山翠點疎秋濤看足否羅刹石邊居

戊辰歲湘中寄鄭谷郎中

白髮久慵簪常聞病亦吟瘦應成鶴骨間想似禪心上  
國楊花亂滄洲荻笋深不堪思翠巘一作西望獨沾襟

寓言

造化安能保山川鑿欲翻精華銷地底珠玉聚侯門始  
作驕奢本終為禍亂根亡家與亡國云一作此更何言

寄王振拾遺

戊辰歲第三  
聯缺九字

折檻意何如平安信不虛  
近來焚諫草深去覓山居

餘分明知在處難寄亂離書

經賈島舊居

先生居處所野燒幾為灰  
若有吟魂在應隨夜魄迴  
地寧銷志氣天忍罪清才  
古木霜風晚江禽共宿來

送人游塞

槐柳野橋邊行塵暗馬前  
秋風來漢地客路入胡天  
鴈

聚河流濁羊羣磧草膾那堪隴頭宿鄉夢逐潺湲

桃花

千株含露態何處照人紅風暖仙源裏春和水國中流  
鶯應見落舞蜨未知空擬欲求圖書枝枝帶竹叢

聞鴈

何處人驚起飛來過草堂丹心勞避弋萬里念隨陽影  
斷風天月聲孤荻岸霜明年趁春去江上別鴛鴦

送人遊南



南國多山水君遊興可知船中江上景晚泊早行時子  
美遺魂地藏真舊墨池經過幾銷日荒草裏尋碑

送益公歸舊居

舊隱終牽夢春殘結束歸溪山無伴過風雨有花飛片  
石留題字孤潭照浣衣鄰僧喜相接埽徑與開扉

不睡

永夜不欲睡虛堂閉復開却離燈影去待得月光來落  
葉蓬巢住飛螢值我迴天明拂經案一炷白檀灰

新秋雨後

夜雨洗河漢詩懷覺有靈  
籬聲新蟋蟀草影老蜻蛉  
靜引閒機發涼吹遠思醒  
逍遙向誰說時注漆園經

送劉蛻秀才赴舉

首聯缺  
五字

百發百中

年丹枝如計分一箭的無偏文

物兵銷國關河雪霽天都人看春榜韓字在誰前

留題仰山大師塔院

嵐光疊香冥曉翠濕窗明欲起遊方去重來繞塔行亂

雲開鳥道羣木發秋聲曾約諸徒弟香燈盡此生

亂中聞鄭谷吳延保下世

小諫纔埋玉星郎亦逝川國由

一作猶

多聚盜天似不容

賢兵火焚詩草江流漲墓田長安已塗炭追想更淒然

送東林寺睦公往吳國

八月江行好風帆日夜飄烟霞經北固禾黍過南朝社  
客無宗炳詩家有鮑昭莫因賢相請不返舊山椒

除夜

夜久誰同坐爐寒鼎亦澄  
亂松飄雨雪一室掩香燈  
白髮添新歲清吟減舊朋  
明朝待晴旭池上看春冰

送秘上人

誰喜老閒身春山起送君  
欲憑蓮社信轉入洞庭雲  
道路長無阻干戈漸不聞  
秋來向何處相憶鴈成羣

寓居嶽麓謝進士沈彬再訪

去歲來尋我留題在蘚痕  
又因風雪夜重宿古松門  
玉有疑休泣詩無主且言  
明朝此相送披褐入桃源

對雪

松門堆復積埋石亦埋莎為瑞還難得居貧莫厭多聽  
憐終夜落吟惜一年過誰在江樓望漫漫墮綠波

和岷公送李評事往宜春

兵火銷鄰境龍沙有去人江潭牽輿遠風物入題新雪  
湛將殘臘霞明向早春郡侯開宴處桃李照歌塵

送僧

一本  
題缺

老憶遊方日天涯錫獨搖凌晨從北固衝雪向南朝鬢

髮泉邊刺香燈樹下燒  
雙峰諸道友夏滿有書招

過荆門

路出荆門遠行行日欲西  
草枯蠻塚亂山斷漢江低  
野店叢蒿短煙村簇樹齊  
翻思故林去在處有猿啼

山中答人

謾道詩名出何曾著苦吟  
忽來還有意已過即無心  
夏月山長往霜天寺獨尋  
故人憐拙朴時復寄空林

贈盧明府閒居

鬢霜垂七十江國久辭官滿篋  
新風雅何人舊歲寒閒  
居當野水幽鳥宿漁竿  
終欲相尋去兵戈時轉難

幽庭

不放生纖草從教徧綠苔  
還防長者至未著牡丹栽  
蛺蝶空飛過鵲鷓時  
下來南鄰折芳子到此寂寥迴

送休師歸長沙寧覲

吾子此歸寧風煙是舊經  
無窮芳草色何處故山青  
偶泊鳴蟬島難眠好月汀  
殷勤問安外湘岸採詩靈

將遊嵩華行次荆渚

蓮峰映敷水嵩嶽壓伊河兩處思歸久前賢隱去多閒  
身應絕跡在世幸無他會向紅霞嶠僧龕對薜蘿

遠思

遠思極何處南樓煙水長秋風過鴻鴈遊子在瀟湘海  
面雲生白天涯墮晚光徘徊古堤上曾此贈垂楊

寄勉二三子

第三聯  
缺七字

不見二三子悠然吳楚間盡應生白髮幾箇在青山



莫放閒君聞國風否千載詠關關

渚宮江亭寓目

津亭雖極望未稱本心閒  
白有三江水青無一點山  
新鴻喧夕浦遠櫂聚空灣  
終遂歸匡社孤帆即此還

蝴蝶

何處背繁紅迷芳到檻重  
分飛還獨出成隊偶相逢  
遠害終防雀爭先不避蜂  
桃蹊牽往復蘭徑引相從  
翠袞丹心冷香凝粉翅濃  
可尋穿樹影難覓宿花蹤  
日晚未

仍急春殘舞未慵  
西風舊池館猶得採芙蓉

送劉秀才往東洛

羨子去東周行行非旅遊  
煙霄有兄弟事業盡曹劉  
洛水清奔夏嵩雲白入秋  
來年遂鵬化一舉上瀛洲

移竹

舊溪千萬竿風雨夜珊珊  
白首來江國黃金買歲寒  
乍移傷粉節終遶著朱欄  
會得承春力新抽錦箨看

雉

角角類闕闕春晴錦羽乾  
文呈五色異瑞入九苞難暮  
宿紅蘭暖朝飛綠野寒  
山梁從行者錯解仲尼歎

懷軒轅先生

不得先生信空懷汗漫秋  
月華離鶴背日影上鰲頭  
欲學孤雲去其如重骨留  
槎程在何處人世屢荒丘

永夜感懷寄鄭谷郎中

展轉復展轉所思安可論  
夜涼難就枕月好重開門  
霜殺百草盡蛩歸四壁根  
生來苦章句早遇至公言

賣松者

未得凌雲價何慙所買真自知桃李世有愛歲寒人瑟  
瑟初離澗青青未識塵寧同買花者貴逐片時春

丙寅歲寄潘歸仁

九土盡荒墟干戈殺害餘更須憂去國未可守貧居康  
泰終來在編聯莫破除他年遇知己無恥報襜褕

嘗茶

石屋晚煙生松窗鐵碾聲因留來客試共說寄僧名味

擊詩魔亂香搜睡思輕春風雪川上憶傍綠叢行

揚花

暖景照悠悠遮空勢漸稠乍如飛雪遠未似落花休萬  
帶都門外千株渭水頭紛紛知近夏銷歇恐成秋軟著  
朝簪去狂隨別騎遊旆衝離館驛鶯撲繞宮樓江國晴  
愁對池塘晚見浮虛窗縈筆雅深院藉苔幽靜墮王孫  
酒繁黏客子裘詠吟何潔白根本屬風流向日還輕舉  
因風更自由不堪思汴岸千里到揚州

詠影

萬物患有象不能逃  
大明始隨殘魄滅  
又逐曉光生  
曲直寧相隱  
洪纖必自呈  
還如至公世  
洞鑒是非情

南歸舟中二首

南歸乘客擢道路  
免崎嶇  
江上經時節  
船中聽鷓鴣  
春容含衆岫  
雨氣泛平蕪  
落日停舟望  
王維未有圖  
長江春氣寒  
客况權聲閒  
夜泊諸村雨  
程迴數郡山  
桑根垂斷岸  
浪沫聚空灣  
已去鄰園近  
隨緣是暫還

送遷客

天涯卽愛州謫去莫多愁若似承恩好

一作寵

何如傍

一作

佞主休瘴昏銅柱黑草赤火山秋應想堯陰

一作堦

下當

時獬豸頭

題中上人院

高房占境幽講退卽冥搜欠鶴同支遁多詩似惠休  
併澄孤井浪淞白小窗秋莫道歸山字朝賢日獻酬

逢鄉友

無況來江島逢君話  
滯留生緣同一國  
相識共他州  
竹影斜青蘚  
茶香在白甌  
猶憐心道合  
多事亦冥搜

自勉

試算平生事  
中年欠五年  
知非未落後  
讀易尚加前  
分受詩魔役  
寧容俗態牽  
閒吟見秋水  
數隻釣魚船

寄詩友

天地有萬物  
盡應輸苦心  
他人雖欲解  
此道奈何深  
返朴遺時態  
闕門度歲陰  
相思去秋夕  
共對冷燈吟



居道林寺書懷

花落水喧喧  
端居信晝昏  
誰來看山寺  
自要掃松門  
是事皆能諱  
唯詩未嬾言  
傳聞好時世  
亦欲背啼猿

經吳平觀

中元齋醮後  
殘燼滿空壇  
老鶴心何待  
尊師鬢已乾  
幡燈古殿夜  
霜霰大椿寒  
誰見長生路  
人間事萬端

劍客

拔劍遶殘樽  
歌終便出門  
西風滿天雪  
何處報人恩  
勇

死尋常事輕讐不足論  
翻嫌易水上細碎動離魂

### 白髮

莫染亦莫鐫任從伊滿頭白  
雖無耐藥黑也不禁秋靜  
枕聽蟬臥閒垂看水流  
浮生未達此多為爾為愁

### 秋興寄省

一作徹公

風聲吹竹健涼氣著身輕  
誰有閒心去江邊看水行  
村遙紅樹遠野闊白煙平  
試裂芭蕉片題詩問竺卿

### 野步

城裏無閒處却尋城外行  
田園經雨水鄉國憶桑耕  
傍澗蕨薇老隔村岡隴橫  
何窮此心興時復鷓鴣聲

殘春

三月看無也芳時此可嗟  
園林欲向夕風雨更吹花  
影亂衝人蝶聲繁遶塹蛙  
那堪傍楊柳飛絮滿鄰家

酬尚顏

取盡風騷妙名高身倍閒  
久離王者闕欲向祖師山  
幕府秋招去溪鄰日望還  
伊余豈酬敵來往踏苔斑

苦熱

雲勢嶮於峰，金流斷竹風。  
萬方應望雨，片景欲焚空。  
毒害芙蓉死，煩蒸瀑布紅。  
恩多是團扇，出入畫屏中。

送歐陽秀才赴舉

莫疑空手去，無援取高科。  
直是文章好，爭如德行多。  
煙霄心一寸，霜雪路千坡。  
稱意東歸後，交親那喜何。

放鷺鷥

潔白雖堪愛，腥膻不那何。  
到頭從所欲，還汝舊滄波。

謝王秀才見示詩卷

誰見少年心低摧向苦吟後須離影響得必洞精深道  
院春苔徑僧樓夏竹林天如愛才子何慮未知音

送徐秀才之吳

吳都霸道昌才子去觀光望闕雲天近朝宗水路長海  
門收片雨建業泊殘陽欲問淮王信仙都即帝鄉

獨院偶作

風篁清一院坐卧潤肌膚此境終拋去鄰房肯信無身

非王者役門是祖師徒畢竟伊雲鳥從來我友于

酬元員外見寄

僻巷誰相訪風籬翠蔓牽易中通性命負裏過流年且  
有吟情撓都無俗事前煎時聞得新意多是此忘緣

寄文秀大師

皎然靈一時還有屈於詩世豈無英主天何惜大師道  
終歸正始心莫問多岐覽卷堪驚立貞風喜未衰

夏雨

靈霽蔽穹蒼冥濛自一方當時消酷毒隨處有清涼著  
物聲雖暴滋農潤即長乍紅紫急電微白露殘陽應禱  
尤難得經旬甚不妨吟聽喧竹樹立見漲池塘衆類聲  
休出羣峰色盡藏頽池來洞壑汗漫入瀟湘下叶黎吐  
望高祛早暎光幽齋飄卧葦極浦灑歸檣蘚在堦從濕  
花衰苑任傷閒思濟時力詒詠發哀腸

謝興公上人寄山水簇子

半幅古潺顏看來心意閒何須尋鳥道即此出人間巘

暮疑啼狖松深認掩關知君遠相惠免我憶歸山

酬微上人

古律皆深妙新吟復造微搜難窮月窟琢苦盡天機晚  
檜清蟬咽寒江白鳥飛他年舊山去為子遠攜歸

同光歲送人及第東歸

西笑道何光新朝舊桂堂春官如白傳內試似文皇變  
化龍三十升騰鳳一行還家幾多興滿袖月中香

寄江居耿處士



野癖雖相似生涯即不同紅霞禪石上明月釣船中醉  
倒蘆花白吟緣蓼岸紅相思何以寄吾道本空空

病起二首

一卧四十日起來秋氣深已甘長逝魄還見舊交心撐  
拄筇猶重枝梧力未任終將此形陋歸死故丘林  
秋風已傷骨更帶竹聲吹抱疾關門久扶羸傍砌時無  
生即不可有死必相隨除却歸真覺何由擬免之

送中觀進公歸巴陵

一論破雙空持行大國中不知從此去何處挫邪宗畫  
雨懸帆黑殘陽泊島紅應游到滄岸相憶遶茶叢



御定全唐詩卷八百三十八

對賢會

總校官庶吉士臣張能照

校對官中書臣張 壘

騰錄監生臣張曾溶

騰錄貢生臣張映杓

欽定四庫全書薈要

集部

御定全唐詩卷八百

三十九至  
四十一

詳校官原任主事臣李斯咏



欽定四庫全書蒼要卷一萬八千二百四十四

集部

御定全唐詩卷八百三十九

齊已

寄鄭谷郎中

一作住襄州  
謁鄭谷獻詩

高名雅頌出吾唐  
疊巘供秋望  
無雲到夕陽  
自

封修藥院別埽著僧牀  
幾夢中朝事依依一作離  
鷓鴣行

歸鴈

塞門春已

一作亦

暖連影起蘋  
風雲夢千行去  
瀟湘一夜

空江人休

一作空

舉網虜將又虛弓莫失南來伴  
衡陽樹

即紅

登大林寺觀白太傅題版

九疊蒼崖裏禪家鑿翠開  
清時誰夢到白傅獨尋來  
怪石和僧定閒雲共鶴迴  
任茲休去者心是不然灰

贈曹松先輩

今歲赴春闈達如夫子稀  
山中把卷去榜下注官歸  
楚月吟前落江禽酒外飛  
閒遊向諸寺却看白麻衣

夏日江寺寄無上人

講終齋磬罷何處稱真心古寺高杉下炎天獨院深  
鷺和江鳥語牆奪暮花陰大府多才子閒過在竹林

夏日梅雨中寄睦公

梅月來林寺冥冥各閉門已應雙履跡全沒亂雲根  
琢句心無味看經眼亦昏何時見清霽招我憑巖軒

傷鄭谷郎中

鍾陵千首作筆絕亦身終知落干戈裏誰家煨燼中吟



齋春長蕨釣渚夜鳴鴻惆悵秋江月曾招我看同

臨行題友生壁

山衲宜何處經行避暑深峰西多古寺日午亂松陰鶴  
默堪分靜蟬涼解助吟慙慙題壁去秋早此相尋

別東林後迴寄修睦

昨夜從香社辭君出薜蘿晚來巾舄上已覺俗塵多遠  
路縈芳草遙空共白波南朝在天末此去重經過

古松

雷電不敢伐鱗斲勢萬端蠹依枯節死虵入朽根盤影  
浸僧禪濕聲吹鶴夢寒尋常風雨夜應一作疑有鬼神看

夏日西霞寺書懷寄張逸人

人中林下現名自有閒忙建業紅塵熱栖霞白石涼倚  
身檉几穩灑面瀑流香不似高齋裏花連竹影長

訪自牧上人不遇

然諾竟如何諸侯見重多高房度江雨經月長寒莎道  
本同騷雅書曾到薜蘿相尋未相見危閣望滄波

題東林白蓮

大士生兜率空池滿白蓮  
秋風明月下齋日影堂前色  
後羣芳拆香殊百和燃  
誰知不染性一片好心田

寄懷江西徵岷二律師

亂後江邊寺堪懷  
二律師幾番新弟子  
一樣舊威儀  
院影連春竹窗聲接雨池  
共緣山水癖久別共題詩

東林作寄金陵知己

十八賢真在時來拂榻

一作辭

看已知前事遠更結後人

難泉滴勝清磬松香掩白檀憑君聽朝貴誰欲厭簪冠  
山寺喜道者至

閏年春過後山寺始花開還有無心者閒尋此境來烏  
幽聲忽斷茶好味重迴知住南巖久冥心坐綠一作石苔

再遊匡山

紫霄兼二一作五老相對倚空寒久別成衰病重來更上

難徑危雲母滑崖旱瀑流乾目斷嵐煙際神仙有石壇

贈浙西李推官

他皆一作家恃勲貴君獨愛詩玄終日秋光裏無人竹影

邊東樓生倚月北固積吟煙聞說鴛行裏多才復少年

題終南山隱者室

終南山北面直下是長安自掃青苔室閒敲白石看一作

壇風吹窗樹老日曬竇雲乾時向圭峰宿僧房瀑布寒

禪庭蘆竹十二韻呈鄭谷郎中

錯錯在禪庭高宜與竹名健添秋雨響乾助夜風清雀  
靜知枯折僧閒見笋生對吟殊灑落負氣甚孤貞密謝

編欄固齊由灌溉平松姿真可敵柳態薄難并映帶兼  
苔石參差近畫楹雪霜消後色蟲鳥默無聲遠憶滄洲  
岸寒連暮角城幽根狂亂迸勁葉動相撐避暑須臨坐  
逃眠必遠行未逢仙手詠俗眼見猶輕

送孫鳳秀才赴舉

九重方側席四海仰文明好把孤吟去便隨公道行梁  
園浮雪氣汴水漲春聲此日登仙衆君應最後生

落花

朝開暮亦衰  
雨打復風吹  
古屋無人處  
殘陽滿地時  
靜依青蘚片  
閒綴綠莎枝  
繁艷根枝在  
明年向此期

秋苔

獨憐蒼翠文  
長與寂寥存  
鶴靜窺秋片  
僧閒踏冷痕  
月明疎竹徑  
雨歇敗莎根  
別有深宮裏  
蕙花鎖斷魂

老將

破虜與平戎  
曾居第一功  
明時不用武  
白首向秋風  
馬病霜飛草  
弓閒鴈過空  
兒孫已成立  
膽氣亦英雄

城中示友人

久與寒灰合人中亦覺閒  
重城不鎖夢每夜自歸山  
雨破冥鴻出桐枯井月還  
唯君道心在來往寂寥間

送友人遊湘中

懷才難自住此去亦如僧  
何處西風夜孤吟旅舍燈  
路沿湘樹疊山入楚雲層  
若有東來扎歸鴻亦可憑

經費徵君舊居

高眠當聖代雲鳥未為孤  
天子徵不起閒人親得無  
猿



猱狂欲墜水石怪難圖寂寞荒齋外松杉相倚枯

嚴陵釣臺

夫子垂竿處空江照古臺無人更如此白浪自成堆鶴  
靜尋僧去魚狂入海迴登臨秋值晚樹石盡多苔

原上晚望

倚杖聊攄望寒原遠近分夜來何處火燒出古人墳野  
勢盤空澤江流合暮雲殘陽催百鳥各自著一作看栖羣

送惠空上人歸

塵中名利熱烏外水雲閒  
吾子多高趣秋風獨自還  
空囊隨客櫂幾宿泊湖山  
應有吟僧在鄰居樹影間

酬章水知已

新吟忽有寄千里到荆門  
落日雲初碧殘年眼正昏  
已為難敵手誰更入深論  
後信多相寄吾生重此言

閒居

漸覺春光媚塵銷作土膏  
微寒放楊柳纖草入風騷  
睡少全無病身輕乍去袍  
前溪沉紅片何處落金桃

次韻酬鄭谷郎中

林下高眠起相招得句時  
開門流水入靜話鷺鷥知  
每許題成晚多嫌雪阻期  
西齋坐來久風竹撼疎籬

思遊峨嵋寄林下諸友

剛有峨嵋念秋來錫欲飛  
會拋湘寺去便逐蜀帆歸  
難世堪言善閒人合見機  
殷勤別諸友莫厭楚江薇

送劉秀才南遊

南去謁諸侯名山亦得遊  
便應尋瀑布乘興上岷嶽  
高

鳥隨雲起寒星向地流  
相思應北望天晚石橋頭

示諸姪

莫問年將朽加餐已不多  
形容渾瘦削行止強牽拖  
死也何憂惱生而有詠歌  
侯門終謝去却掃舊松蘿

荆渚病中因思匡廬遂成三百字寄梁先輩

生老病死早聞天竺書  
相隨幾汨沒不了堪欷歔  
自理自可適他人誰與祛  
應當入寂滅乃得長銷除  
前月已骨立今朝還貌舒  
披衣試步履倚策聊躊躇  
江月青

眸冷秋風白髮疎  
新題憶剡碣  
舊約懷庄廬  
張野久絕

跡樂天曾卜居空龕  
掩薜荔瀑布歎蟾蜍  
古檜鳴玄鶴

涼泉躍錦魚  
狂吟樹蔭映縱踏  
花蔦菸脣舌既已閒心

脾亦散攄松窗有偃息  
石徑無趨趨夢冷通仙  
闕神融

合太虛千峰杳靄際  
萬壑明清初長往期  
非晚半生閒

有餘依劉未是詠訪戴  
寧忘諸稽古堪求已  
觀時好笑

渠埋頭逐小利沒脚拖  
長裾道種將閑養情  
田把藥鉏

幽香發蘭蕙穢莽推丘  
墟敢謂囊盈物那言  
庾滿儲微

煙動晨爨細雨滋園蔬  
蘚亂珍禽羽門稀長者車  
冥機坐兀兀著履行徐徐  
每許親朱履多憐奉隼旗  
簪嫌紅玳瑁社念金芙蓉  
海內競鐵馬篋中藏紙驢  
常言謝時去此意將何如

竟陵遇晝公

高跡何來此遊方漸老身  
欲投蓮岳夏初過竟陵  
春錫影離雲遠衣痕拂蘚  
新無言即相別此處不迷津

聞貫休下世

吾師詩匠者真箇碧雲流爭得梁太子重為文選樓錦  
江新塚樹嫠女舊山秋欲去焚香禮帝爇峽阻修

金山寺

山帶金名遠樓臺壓翠層魚龍光照像風浪影搖燈檻  
外揚州樹船通建業僧塵埃何所到青石坐如氷

早秋雨後晚望

暑氣時將薄蟲聲夜轉稠江湖經一雨日月換新秋有  
景堪援筆何人未上樓欲承涼冷興西向碧嵩遊

過西塞山

空江平野流風鳥葦颼颼殘日銜西塞孤帆向北洲  
邊鴻渡漢口楚樹出吳頭終入高雲裏身依片石休

溪齋二首

豈敢言招隱歸休喜自安一溪雲卧穩四海路行難  
瑞獸藏頭角幽禽惜羽翰子猷何處在老畫碧琅玕

杉竹映溪關修修共歲寒幽人眠日晏花雨落春殘  
道妙言何強詩玄論甚難閒居有親一作新賦搔首憶潘安



新秋

始驚三伏盡又遇立秋時  
露彩朝還冷雲峰晚更竒  
壠香禾半熟原迴草微衰  
幸好清光裏安仁謾起悲

寄上荆渚因夢廬岳乃圖壁賦詩

夢繞峩峩裏神疎骨亦寒  
覺來誰共說壁上自圖看  
古翠松藏寺春紅杏濕壇  
歸心幾時遂日向漸衰殘

已卯歲值凍阻歸有作

河水連地凍朔氣壓春寒  
開戶思歸遠出門移步難  
湖

雲黏鴈重廟樹刮風乾坐看孤燈焰微微向曉殘  
送盧說亂後投知己

兵寇殘江墅生涯盡蕩除事堪煎桂玉時莫倚詩書暮  
狖啼空半春山列雨餘舟中有新作廻寄示慵疎

讀峴山碑

三載羊公政千年峴首碑何人更墮淚此道已殊時兵  
火燒文缺江雲觸蘚滋那堪望黎庶匝地是瘡痍

過鹿門作

鹿門埋孟子峴首載羊公萬古千秋裏青山明月中政  
從襄沔絕詩過洞庭空塵路誰迴眼松聲兩處風

題玉泉寺大師影堂

大化終華頂靈踪示玉泉由来負高尚合向好山川洞  
壑藏諸怪杉松列瘦煙千秋空樹影猶似覆長禪

秋日錢塘作

秋色明水國遊子倚長亭海浸一作漫全吳白山澄百越

青英雄貴藜庶封土絕精靈句踐魂如在應懸一作慙戰

血腥

送人赴舉

分有爭忘得時來湏出山白雲終許在清世莫空還驛  
樹秋聲健行衣雨點斑明年從月裏滿握度春關

友人寒夜所寄

通宵亦孤坐但念舊峰雲白日還如此清閒本共君二  
毛凋一半百歲去三分早晚尋流水同歸麋鹿羣

酬洞庭陳秀才

何必要識面見詩驚苦心此門從自古難學至如今青  
草湖雲闊黃陵廟木深精搜當好景得即動知音

題鶴鳴泉八韻

嘹唳遺蹤去澄明物掩難噴開山面碧飛落寺門寒汲  
引隨併滿分流逐處安幽蟲乘葉過渴狖擁條看上有  
危峰疊旁宜怪石盤冷吞雙樹影甘潤百毛端異早聞  
鷄玉靈終別建壇瀟湘在何處終日自波瀾

登金山寺

四面白波聲中流翠嶠橫望來堪目斷上徹始心平  
鳥向天涯去雲連水國生重來與誰約題罷自吟行

寄吳都沈員外彬

歸休興若何朱紱盡還他自有園林闊誰爭山水多  
村煙晴莽蒼僧磬晚差峩野醉題招隱相思可寄麼

寄明月山僧

山稱明月好月出徧山明要上諸峰去無妨半夜行  
白猿真雪色幽鳥古琴聲吾子居來久應忘我在城

寄哭西川壇長廣濟大師

千萬僧中寶三朝帝寵身還源未化火舉國葬全真文  
集編金在碑銘刻玉新有誰於異代彈指禮遺塵

酬西川楚巒上人卷

玉壘峨岷秀

一作峻

岷江錦水清古人搜不盡吾子得何

精可信由前習堪聞正後生東西五千里多謝寄無成

覽延栖上人卷

今體雕鏤妙古風研考精何人忘律韻為子辨詩聲賈

島苦兼此孟郊清獨行荆門見編集媿我老無成

寄洛下王彞訓先輩二首

賈島存正始王維留格言千篇千古在一詠一驚魂離  
別無他寄相思共此門陽春堪永恨郢路轉塵昏

北極新英主高科舊少年風流傳貴達談笑取榮遷洛  
水秋空底嵩峰曉翠巔尋常誰竝馬橋上戲成篇

酬岳陽李主簿卷

把卷思高興瀟湘闊浸門無雲生翠浪有月動清魂倚



檻應窮底凝情合到源為君吟所寄難甚至忘筌

寄懷江西僧達禪翁

長憶舊山日與君同聚沙未能精貝葉便學詠楊花苦  
甚傷心骨清還切齒牙何妨繼餘習前世是詩家

送吳守明先輩遊蜀

憑君遊蜀去細為話幽竒喪亂嘉陵驛塵埃賈島詩未  
應過錦府且合上峨眉既逐高科後東西任所之

寄普明大師可準

蓮嶽三徵者論詩舊與君相留曾幾歲酬唱有新文翠  
竇容閒憩嵐峰許共分當年若同訪合得伴吟雲

還黃平素秀才卷

求已甚忘筌得之經渾然僻能離詭差清不尚妖妍冷  
澹聞姚監精竒見浪仙如君好風格自可繼前賢

與張先輩話別

首句缺三字第  
五句缺二字

為者各自話離心及第還全蜀遊方歸二林巴  
江漲楚野入吳深他日傳消息東西不易尋

寄朱拾遺

一聞歸闕下，幾番熟金桃。  
滄海期仍晚，清資路漸高。  
研冰濡諫筆，賦雪擁朝袍。  
豈念空林下，冥心坐石勞。

荆門送興禪師

灑落南宗子，遊方跡似雲。  
青山尋處處，赤葉路一作落紛

紛。虎共松巖宿，猿和石溜聞。  
何峰一迴首，憶我在人羣。

過西山施肩吾舊居

大志終難起，西峰卧翠堆。  
牀前倒秋壑，枕上過春雷。  
鶴

見丹成去僧聞粟熟來荒齋松竹老鸞鶴自裴回

喜夏雨

四郊雲影合千里雨聲來盡洗紅埃去併將清氣迴潺  
湲浮楚甸蕭散露荆臺欲賦隨車瑞濡毫渴謏才

酬元員外見寄八韻

舊隱夢牽仍歸心只似蒸遠青憐島峭輕白愛雲騰艷  
冶叢翻蝶腥臙地聚蠅雨聲連灑竹詩興繼填膺訪戴  
情彌切依劉力不勝衆人忘苦苦獨自媿兢兢處世無

他望流年有病僧時慙大雅客遺韻許相承

浣口泊舟曉望天柱峰

根盤潛岳半頂逼日輪邊冷碧無雲點危稜有瀑懸秀  
輕毛女下名與鼎湖偏誰見扶持力峩峩出後天

寄楚萍上人

北面香爐秀南邊瀑布寒自來還獨去夏滿又秋殘日  
影松杉亂雲容洞壑寬何峰是鄰側片石許相安

竹裏作六韻

我一作未深處坐剝覺有吟思忽似瀟湘岸欲生風雨

時冷煙濛古屋乾  
葺墮秋墀徑熟因頻入身閒得徧歌  
踏多鞭節損題亂粉痕墮猶見前山疊微茫隔短籬

寄江西幕中孫鮪員外

簪履為官興芙蓉結社緣  
應思陶令醉時訪遠公禪  
茶影中殘月松聲裏落泉  
此門曾共說知未遂終焉

盆池

盆沼陷一作花邊孤明似玉泉  
涵虛心不淺待月底長

圓平穩承天澤依微泛曙煙何須照菱鏡即此鑒姪妍  
喜乾書上人遠相訪

彼此垂七十相逢意若何聖明殊未至離亂更應多澹  
泊門難到從容日易過餘生消息外只合聽詩魔

御定全唐詩卷八百三十九

欽定四庫全書蒼要卷一萬八千二百四十五

集部

御定全唐詩卷八百四十

齊已

過陳陶處士舊居

一室貯琴尊詩皆大雅言  
夜過秋竹寺醉打老僧門  
遠燒來籬下寒蔬簇石根  
閒庭除鶴跡半是杖頭痕

寄敬亭清越

敬亭山色古廟與寺松連住  
此修行過春風四十年鼎



嘗天柱茗詩硤剡溪牋冥目應思著終南北闕前

湘江漁父

湘潭春水滿岸遠草青青有客釣煙月無人論醉醒門  
前蛟蜃氣叢上蕙蘭馨曾受蒙莊子逍遙一卷經

書古寺僧房

綠樹深深處長明焰焰燈春時遊寺客花落閉門僧萬  
法心中寂孤泉石上澄勞生莫相問喧默不相應

湖西逸人

老隱洞庭西漁樵共一溪琴前孤鶴影石上遠僧題橘  
柚園林熟薰葭葭徑路迷君能許鄰並分藥斲春畦

瀟湘二十韻

二水遠難論從離向坎奔冷穿千嶂脈清過幾州門闊  
去都疑白傍來盡帶渾經游聞舜禹表裏見乾坤浦靜  
魚閒釣灣涼鴈自屯月來分夜底雲度見秋痕暮氣藏  
鄰寺寒濤聒近村離騷傳永恨鼓瑟奏遺魂霧擁魚龍  
窟槎歌島嶼根秋風帆上下落日樹沈昏柳少沙洲缺

苔多古岸存禽巢依橋袖獺逕入蘭蓀色自江南絕名  
聞海內尊吳頭雄莫過漢口壯堪吞寒淡晴方映馮夷  
信忽翻渡遙峰翠疊汀小荻花繁勢接湖煙漲聲和瘴  
雨歎急搖吟客舫狂濺野人樽疏鑿誰窮本澄鮮自有  
源對茲傷九曲含濁出崑崙

江行早發

舟子相呼起長江未五更幾看

一作程

星月在猶帶

一作載

夢魂行鳥亂村林迴人喧水柵橫蒼茫平野外漸認

一作

漸  
愧遠峰名

宜陽道中作

宜陽南面路下嶽又經過  
楓葉紅遮店芒花白滿坡  
猿無山漸薄鴈衆水還多  
日落猶前去諸村牧豎歌

落日

晚照背高臺殘鐘殘角催  
能銷幾度落已是半生來  
吹葉陰風發漫空暝色迴  
因思古人事更變盡塵埃

春興

柳暖鶯多語花明草盡長風流在詩句牽率遶池塘叫  
切禽名字飛忙蝶姓莊時來真可惜自勉掇蘭芳

遠山

天際雲根破寒山列翠迴幽人當立久白鳥背飛來瀑  
濺何州地僧尋幾嶠苔終須拂巾履獨去謝塵埃

和鄭谷郎中幽棲之什

誰知閒退跡門逕入寒汀靜倚雲僧杖孤看野燒星墨  
霑吟石黑苔染釣船青相對唯溪寺初宵聞念經

勉道林謙光鴻蘊二姪

舊林諸姪在還住本師房  
共掃焚修地同聞水石香  
莫將閒世界擬敵好時光  
須看南山下無名塚滿岡

渚宮自勉二首

晨午殊豐足伊何撓肺腸  
形容侵老病山水憶韜藏  
必謝金臺去還攜鐵錫將  
東林露壇畔舊對白蓮房  
畢竟擬何求隨緣去住休  
天涯遊勝境海上宿仙洲  
夢好尋無跡詩成旋不留  
從他笑輕事獨自憶莊周

謝澧湖茶

澧湖唯上貢何以惠尋常還是詩心苦堪消蠟面香碾  
聲通一室烹色帶殘陽若有新春者西來信勿忘

寄歸州馬判官

郡帶女顏名民康境亦寧晏梳秋鬢白閒坐暮山青贈  
客椒初熟尋僧酒半醒應懷舊居處歌管隔牆聽

倦客

閉眼即開門人間事倦聞如何迎好客不似看閒雲少

欲資三要多言讓十分疎慵本吾性任笑早離羣

送靈詈上人遊五臺

此去清涼頂期瞻大聖容便應過洛水即未上嵩峰殘  
照催行影幽林惜駐蹤想登金閣望東北極兵鋒

靜坐

坐卧與行住入禪還出吟也應長日月消得箇身心默  
論相如少黃梅付囑深門前古松徑時起步清陰

謝虛中上人寄示題天策閣詩



天策二首作境幽搜亦玄閣橫三楚上題挂九霄邊寺  
額因標勝詩人合遇賢他時誰倚檻吟此豈忘筌

荆門寄懷章供奉兼呈幕中知己

紫衣居貴上青衲老關中事佛門相似朝天路不同神  
疑無惡夢詩澹老真風聞道知音在官高信莫通

江令石

思量江令意愛石甚悠悠貪向深宮去死同亡國休兩  
株荒草裏千古暮江頭若似黃金貴隋軍也不留

月下作

良夜如清晝幽人在小庭滿空垂列宿那箇是文星世  
界歸誰是心魂向自寧何當見堯舜重為造生靈

遊道林四絕亭觀宋杜詩版

宋杜詩題在風騷到此真獨來終日看一為拂秋塵古  
石生寒何春松脫老鱗高僧眼根靜應見客吟神一作頻

勉詩僧

莫把毛生刺低徊謁李膺須防知佛者解笑愛名僧道

性宜如水詩情合似冰  
還同蓮社客聯唱遶香燈

謝人墨

珍重歲寒煙攜來路幾千  
只應真典誥消得苦磨研  
正色浮端硯精光動蜀牋  
因君強濡染捨此即忘筌

送人遊玉泉寺

西峰大雪開萬疊向空堆  
客貴猶尋去僧高肯不來  
潭澄猿覩月竇冷鹿眠苔  
公子將才子聯題興未迴

寄鄭谷郎中

詩心何以傳所證自同禪  
覓句如探虎逢知似得仙  
神清太古在字好雅風全  
曾沐星郎許終慙是斐然

春雨

欲布如膏勢先聞動地雷  
雲龍相得起風雷一時來  
霖霖農桑野冥濛楊柳臺  
何人待晴暖庭有牡丹開

明月峰

明月峰頭石曾聞學月明  
別舒長夜彩高照一村耕  
頗亂無私理徒驚鄙俗情  
傳云遭鑿後頑白在崢嶸

謝人惠紫栗拄杖

仙掌峰前得何當此見遺百年衰朽骨六尺歲寒姿雪  
外兼松凭泉邊待月歌他時出山去猶謝見相隨

送人遊湘湖

君遊南國去旅夢若為寧一路隨鴻鴈千峰遠洞庭林  
明楓盡落野黑燒初經有興尋僧否湘西寺最靈

小松

發地纔過膝一作蟠根已有靈嚴霜百草白深院一林

青後夜蕭騷動空階蟋蟀聽誰於千歲外吟遠  
一作老  
龍形

金江寓居

考槃應未永聊此養閒疎野趣今何似詩題舊不如春  
筥離穉盡陂藕折花初終要秋雲是從風恣卷舒

晚夏金江寓居答友生

日日衝殘熱相尋入亂蒿閒中滋味遠詩裏是非高碧  
聳新生竹紅垂半熟桃時難未可出且欲淬豪曹

寄李洞秀才

到處聽時論知君屈最深  
秋風幾西笑抱玉但傷心  
野水翻紅藕滄江老白禽  
相思未相識聞在蜀中吟

過商山

疊疊疊嵐寒紅塵翠裏盤  
前程有名利此路莫艱難  
雲水一作木侵天老輪蹄到月殘  
何能尋四皓過盡見長安

蟬八韻

咽咽復啾啾多來自早秋  
園林涼正好風雨思相收  
在

處聲無別何人淚欲流  
冷憐天露滴傷共野禽遊  
靜息深依竹驚移瞥過樓  
分明晴渡口凄切暮闌頭  
時節推應定飛鳴即未休  
年年聞爾苦遠憶所居幽

鷺鷥二首

日日滄江去時時得意歸  
自能終潔白何處悞翻飛  
晚立銀塘閭秋栖玉露微  
殘陽葦花畔雙下釣魚磯

雪裏曾迷我籠中舊養君  
忽從紅蓼岸飛出白鷗羣  
影照翹灘浪翎濡宿島雲  
駕鴻解相憶天上列紛紛



送僧歸南岳

濁世任終難孤峰念永安  
逆風眉磔磔衝雪錫珊珊  
石室闕霞嫩松枝拂蘚乾  
巖猿應認得連臂下句欄

夏日林下作

煩暑莫相煎森森在眼前  
暫來還盡日獨坐只聞蟬  
草媚終難死花飛卒未薦  
秋風捨此去滿篋貯新篇

村居寄懷

風雨如堯代何心欲退藏  
諸侯行教化下國自耕桑  
道

挫時機盡禪留話路長前溪久不過忽覺早禾香

酬王秀才

相於分倍親靜論到吟真王澤曾無外風騷甚少人鴻  
隨秋過盡雪向臘飛頻何處多幽勝期君作近鄰

贈無本上人

往年吟月社因亂散揚州未免無端事何妨出世流洞  
庭禪過臘衡岳坐經秋終說將衣鉢天台老去休

寄華山司空圖

天下艱難際全家入華山幾勞丹詔問空見使臣還瀑  
布寒吹夢蓮峰翠濕關兵戈阻相訪身老瘴雲間

題真州精舍

波心精舍好那岸是繁華礙目

一作日

無高樹當門即遠

沙晨齋來海客夜磬到漁家石鼎秋濤靜禪回有岳茶  
懷道林寺因寄仁用二上人

名山知不遠長憶寺門松昨晚登樓見前年過夏峰雨  
餘雲脚樹風外日西鐘莫更來東岸紅塵沒馬蹤

尋陽道中作

秋聲連岳樹草色徧汀洲  
多事時為客無人處上樓  
雲疎片雨歇野闊九江流  
欲向南朝去詩僧有惠休

東林雨後望香爐峰

翠濕僧窗裏寒堆鳥道邊  
靜思尋去路急遶落來泉  
暮雨開青壁朝陽照紫煙  
二林多長老誰憶上頭禪

寄雙泉大師師兄

清泉流眼底白道倚巖稜  
後夜禪初入前溪樹折冰南

涼來的的北魏去騰騰敢把吾師意密傳門外僧

送人潤州尋兄弟

君話南徐去迢迢過建康弟兄新得信鴻鴈久離行木  
落空林浪秋殘漸雪霜閒遊登北固東望海蒼蒼

貽張生

日日見入寺未曾含酒容閒聽老僧語坐到夕陽鐘竹  
裏行多影花邊偶過蹤猶言謝生計隨我去孤峰

送人遊雍京

君來乞詩別，聊與愴前程。  
九野未無事，少年何遠行。  
商雲盤翠險，秦甸下煙平。  
應見周南化，如今在雍京。

春草

處處碧萋萋，平原帶日西。  
堪隨遊子路，遠入鷓鴣啼。  
金谷園應沒，夫差國已迷。  
欲尋蘭蕙徑，荒穢滿汀畦。

懷華頂道人

華頂星邊出，真宜上士家。  
無人觸牀榻，滿屋貯煙霞。  
坐卧臨天井，晴明見海涯。  
禪餘石橋去，屐齒印松花。

寄自牧上人

五老迴無計三峰去不成何言謝雲鳥此地識公卿夢  
媿將僧說心嫌觸類生南朝古山寺曾憶共尋行

靜坐

日日只騰騰心機何以興詩魔苦不利禪寂頗相應硯  
滿塵埃點衣多坐卧稜如斯自消息合是箇間僧

送人遊衡岳

荆楚臘將殘江湖蒼莽間孤舟載高興千里向名山雪

浪來無定風帆去是閒石橋僧問我應寄岳茶還

荅知己自闕下寄書

故人勞札翰千里寄荆臺知戀文明在來尋江漢來羣  
機喧白晝陸海漲黃埃得路應相笑無成守死灰

新筍

亂迸苔錢破參差出小欄層層離錦箨節節露琅玕直  
上心終勁四垂煙漸寬欲知含古律試剪鳳簫看

寄唐洙處士



行僧去湘水歸鴈度荆門彼此亡家國東西役夢魂多  
慵如長傲久住不生根曾問興亡事丁寧寄勿言

謝人惠竹蠅拂

妙刮筠篁製纖柔玉柄同拂蠅聲滿室指月影搖空敢  
捨經行外常將宴坐中揮談一無取千萬媿生公

新燕

燕燕知何事年年應候未却緣華屋在長得好時催花  
外銜泥去空中接食迴不同黃雀意迷逐網羅媒

謝王先輩寄羶

深謝高科客名羶寄惠重靜思生朔漠和雪長蒙茸摺  
坐資禪悅鋪眠減病容他年從破碎擔去卧孤一作高峰

寄還闕下高輦先輩卷

去歲逢京使因還所寄詩難留天上作曾換月中枝趣  
極僧迷旨功深鬼不知仍聞得名後特地更忘疲

和孫支使惠示院中庭竹之什

憶就江僧乞和煙得一莖剪黃憎舊本科綠惜新生護

噪蟬身穩資吟客，眼明星郎有佳詠。雅合此君聲。

苦熱中江上懷爐峰舊居

舊寄爐峰下，杉松遶石房。年年五六月，江上憶清涼。久別應荒廢，終歸隔渺茫。何當便搖落，披衲玩秋光。

送僧遊龍門香山寺

君到香山寺，探幽莫損神。且尋風雅主，細看樂天真。

江上值春雨

江臯正月雨，平陸亦波瀾。半是峨眉雪，重為澤國寒。農

田淹浸盡容權往來難愁殺騷人路滄浪正渺漫

七十作

七十去百歲都來三十春縱饒生得到終免死無因密  
理方通理栖真始見真沃洲匡阜客幾劫不迷人

謝虛中寄新詩

舊友一千里新詩五十篇此文經大匠不見已多年趣  
極同無迹精深合自然相思把行坐南望隔塵煙

送彬座主赴龍安請講

兩論久研精龍安受請行春城雨雪霽古寺殿堂明白  
髮老僧聽金毛師子聲同流有誰共別著國風清

夏日荆渚書懷

嵩岳去值亂匡廬迴阻兵中途息瓶錫十載依公卿不  
那猿鳥性但懷林泉聲何時遂情興吟遶杉松行

春日西湖作

一水遶孤島閒門掩春草曾無長者轍枉此問衰老

謝中上人寄茶

春山穀雨前併手摘芳煙綠嫩難盈籠清和易晚天且  
招鄰院客試煮落花泉地遠勞相寄無來又隔年

送節大德歸闕

西京曾入內東洛又朝天聖上方虛席僧中正乏賢晨  
光金殿裏紫氣玉簾前知祝唐堯化新恩異往年

覽清尚卷

李洞僻相似得詩先示師鬼神迷去處風日背吟時格  
已搜清竭名還着紫單從容味高作翻為古人疑

荆門送晝公歸彭澤舊居

彭澤舊居在匡廬翠疊前  
因思從楚寺便附入吳船  
岸遶春殘樹江浮曉霽天  
應過虎溪社佇立想諸賢

御定全唐詩卷八百四十

欽定四庫全書蒼要卷一萬八千二百四十六

集部

御定全唐詩卷八百四十一

齊已

登祝融峰

猿鳥共不到我來身欲浮  
四邊空碧落絕頂正清秋  
宇宙知何極華夷見細流  
壇西獨立久白日轉神州

寄貫休

子美曾吟處吾師復去吟  
是何多勝地銷得二公心  
錦



水流春潤峩嶺疊雪深時逢蜀僧說或道近遊黔

送唐稟正字歸萍川

霜鬚芸閣吏久掩白雲扉來謁元戎後還騎病馬歸煙  
村蔬飲淡江驛雪泥肥知到中林日春風長澗薇

寄懷江西栖公

龍沙為別日廬阜得書年不見來香社相思遠白蓮江  
僧歸海寺楚路接吳煙老病何堪說扶羸寄此篇

山中喜得友生書

柴門闕樹石未省夢塵埃落日啼猿裏  
同人有信來自  
成為拙隱難以謝多才見說相思處  
前峰對古臺

謝人惠扇子及茶

鎗旗封蜀茗圓潔製鮫綃好客分烹煮  
青蠅避動搖陸  
生誇妙法班女恨涼飈多謝崔居士  
相思寄寂寥

寄監利司空學士

詩家為政別清苦日聞新亂後無荒地  
歸來盡遠人寬  
容民賦稅惟悴吏精神何必河陽縣  
空傳桃李春

荅陳秀才

萬事皆可了有詩門最深  
古人難得志吾子苦留心  
野壘涼雲朶苔重怪木陰  
他年立名字笑我老雙林

遊橘洲

春日上芳洲經春蘭杜幽  
此時尋橘岸昨日在城樓  
鷺立青楓杪沙沈白浪頭  
漁家好生計簷底繫扁舟

寄武陵道友

阮肇迷仙處禪門接紫霞  
不知尋鶴路幾里入桃花  
晚

樹陰搖蘚春潭影弄砂何當見招我乞與片生涯

謝人惠藥

五金元造化九鍊更精新敢謂長生客將遺必死人久  
餐應換骨一服已通神終逐淮王去永拋浮世塵

還族弟卷

第五句  
缺一字

豈要私相許君詩自入神風騷何句出瀑布一聯新  
若長如此名湏遠逐身閒齋舒復卷留滯忽經旬

送周秀遊峽

又向夔城去知難動旅魂自非亡國客何慮斷腸援  
灩分高何瞿塘露淺痕明年期此約平穩到荆門

荆門夏日寄洞山節公

湖光搖翠木靈洞疊雲深五月經行處千秋檜栢陰山  
形臨北渚僧格繼東林莫惜相招信余心是此心

再經蔣山與諸長老夜話

遠迹都如雁南行又北迴老僧猶記得往歲已曾來話  
遍名山境燒殘黑櫟灰無因伴師往歸思在天台

寄當陽張明府

玉泉神運寺寒磬徹琴堂有境靈如此為官興亦長吏  
愁清白甚民樂賦輸忘聞說巴山縣今來尚憶張

遊三覺山

白石路重重縈紆勢忽窮孤峰擎像閣萬木蔽星空世  
論隨時變禪懷歷劫同良宵正冥目海日上窗紅

庭際晚菊上主人

九月將欲盡幽叢始綻芳都緣含正氣不是背重陽採

去蜂聲遠尋未蝶路長王孫歸未晚猶得泛金觴

送趙長史歸閩川

荆門與閩越關戍隔三千風雪揚帆去臺隍指海邊客  
情消旅火王化似堯年莫失春迴約江城穀雨前

擬嵇康絕交寄湘中貫微

何處同嵇懶吾徒道異諸本無文字學何有往來書嶽  
寺逍遙夢侯門勉強居相知在玄契莫訝八行疎

寄許州清古

北來儒士說許下有吟僧白日身長倚清秋塔上層言  
雖依景得理要入無徵敢望多相示辱微老不勝

謝丁秀才見示賦卷

五首新裁翦搜羅盡指歸誰曾師古律君自負天機聖  
后求賢久明公得雋稀乘秋好攜去直望九霄飛

驚秋

寒簾聽秋信晚傍竹聲歸多故堪傷骨孤峰好拂衣梧  
桐凋綠盡齒苔墮紅稀却恐吾形影嫌心與口違



夏日雨中寄幕中知己

北風吹夏雨和竹亞南軒  
豆枕歌涼冷蓮峰入夢魂  
窗多斜迸濕庭徧瀑流痕  
清興知無限晴未示一言

夜次湘陰

風濤出洞庭帆影入澄清  
何處驚鴻起孤舟趁月行  
時難多戰地野濶絕春耕  
骨肉知存否林園近郡城

寄唐稟正字

疎野還如舊何曾稱在城  
水邊無伴立天際有山橫  
落

日雲霞赤高窗筆硯明鮑昭多所得時憶寄湯生

宿舒湖希上人房

入寺先來此經窗半在湖秋風新茁苔暮雨老菰蒲任  
聽浮生速能消默坐無語來燈焰短嗁喚發高梧

戊辰歲江南感懷

忽忽動中私人間何所之老過離亂世生在太平時桃  
李春無主杉松寺有期曾吟子山賦何啻舊凌遲

送林

一作休

上人歸永嘉舊居

東越常懸思山門在永嘉秋光浮楚水帆影背長沙城  
黑天台雨村明海嶠霞時尋謝公跡春草有瑤花

荅友生山居寄示

嘉遁有新吟因僧寄竹林靜思來鳥外閒味遠松陰兵  
寇憑凌甚溪山幾許深休為反招隱攜取一相尋

新秋霽後晚眺懷先公

雨霽湘楚晚水涼天亦澄山中應解夏渡口有行僧鳥  
列滄洲隊雲排碧落層孤峰磬聲絕一點石龕燈

池上感興

所向似無端，風前吟凭欄。  
旁人應悶見，片水自閒看。  
碧底紅鱗鬣，澄邊白羽翰。  
南山衆木葉，飄著竹聲乾。

和墨域上人寄贈之什

百病煎衰朽，栖遲戰國中。  
思量青壁寺，行坐赤松風。  
道寄虛無合，書傳往復空。  
可憐禪月子，香火國門東。

弔雙泉大師真塔

塔聳層峰後，碑鐫巨石新。  
不知將一句，分付與何人。  
靜

坐雲生衲空山月照真後徒遊禮者猶認指迷津

暮冬送璘上人歸華容

故園雖不遠那免愴行思莽蒼平湖路霏微過雪時全  
無山阻隔或有客相隨得見交親後春風動柳絲

秋夜聽業上人彈琴

萬物都寂寂堪聞彈正聲人心盡如此天下自和平湘  
水瀉秋碧古風吹太清往年廬岳奏今夕更分明

謝人惠丹藥

別後聞餐餌相逢訝道情肌膚紅色透鬚髮黑光生仙  
洞誰傳與松房自鍊成常蒙遠分惠亦覺骨毛輕

荆門病中寄懷貫微上人

我衰君亦老相憶更何言除泥安禪力難醫必死根梅  
寒爭雪彩日冷讓冰痕早晚東歸去同尋入石門

匡山遠大

師嘗與諸賢遊石

門洞玩錦繡谷

荅孔秀才

早向文章裏能降少壯心不愁人不愛閒處自閒吟水

國雲雷潤僧園竹樹深無嫌我衰颯時此一相尋

秋江

兩岸山青映中流一擢聲遠無風浪動正向夕陽橫島嶼蟬分宿沙洲客獨行浩然心自合何必濯吾纓

船窗

孤舸凭幽窗清波逼面涼舉頭還有礙低眼即無妨瞥過沙禽翠斜分夕照光何時到山寺上閣看江鄉

永夜

永日還歌枕良宵亦曲肱神閒無萬慮壁冷有殘燈香  
影浮龕象瓶聲著井冰尋思到何處海上斷崖僧

中春愴懷寄二三知己

眼暗心還白逢春強凭欄因聞積雨夜一作夜雨却憶舊山

寒竹撼煙叢滑花燒露朶乾故人相會處應話此衰殘

自遣

了然知是夢既覺更何求死入孤峰去灰飛一燼休雲  
無空碧在天靜月華流免有諸徒弟時來弔石頭



送陳霸歸閩

涼風動行興，含笑話臨途。  
已得身名了，全忘客道孤。  
鄉程過百越，帆影遶重湖。  
家在飛鴻外，音書可寄無。

寄孫闢呈鄭谷郎中

衡岳去都忘，清吟戀省郎。  
淹留才半月，詠唱頗盈箱。  
雪長松檉格，茶添語話香。  
因論樂安子，年少老篇章。

荆門送人自峩嵎游南岳

峩嵎未已遠，衡岳去猶賒。  
南浦懸帆影，西風亂荻花。  
天

涯遙夢澤山衆近長沙有興多新作攜將大府誇

謝主人石筍

西園罷宴遊東閣念林丘特減花邊峭未添竹裏幽  
憶過陽朔見曾記太湖求從此頻吟逸歸山意亦休

經安公寺

大聖威靈地安公宴坐蹤未知長寂默不見久從容  
塔影高羣木江聲壓暮鐘此遊幽勝後來夢亦應重

秋夕寄諸姪

每到秋殘夜燈前憶故鄉園林紅橘袖窗戶碧瀟湘離  
別身垂老艱難路去長弟兄應健在兵火裏耕桑

謝炭

正擁寒灰次何當惠寂寥且留連夜向未敢滿爐燒必  
恐吞難盡唯愁撥易消豪家捏為獸紅迸錦茵焦

夏滿日偶作寄孫支使

其年閏五月

一百二十日煎熬幾不勝憶歸滄海寺冷倚翠崖稜舊  
扇猶操執新秋更鬱蒸何當見涼月擁衲訪詩朋

寄清溪道友

山門搖落空霜霰滿杉松明月行禪處青苔遶石重泉  
聲喧萬壑鐘韻遍千峰終去焚香老同師大士蹤

謝重緣舊山水障子

敢望重緣飾微茫洞壑春坐看終未是歸卧始應真已  
覺心中朽猶憐四面新不因公子鑒零落幾成塵

寺居

鄰井雙梧上一蟬鳴隔牆依稀舊林日撩亂遠山堂難

嘿吟風口終清飲露腸老僧加護物應任噪殘陽

剃髮

金刀閃冷光一剃一清涼未免隨朝夕依前長雪霜夏  
林歌石膩春澗水泉香向老凋疎盡寒天不出房

謝高輦先輩寄新唱和集

敢謂神仙手多懷老比丘編聯未鹿野酬唱在龍樓洛  
浦精靈懾邛山鬼魅愁二南風雅道從此化東周

送徐秀才遊吳國

西江東注急孤櫂若流星風浪相隨白雲中獨一作過

青他時誰共說此路我曾經好向吳朝看衣冠盡漢庭

憶在匡廬日

憶在匡廬日秋風八月時松聲虎溪寺塔影雁門師步  
碧蕨蕤徑吟香菡萏池何當舊泉石歸去洗心脾

寄三覺山從益上人

山下人來說多時不下山是應終未是閒得且須閒海  
面雲歸竇猿邊月上關尋思亂峰頂空送衲僧還

殘秋感愴

日日加衰病，心心趣寂寥。  
殘陽起閒望，萬木聳寒條。  
楚寺新為客，吳江舊看潮。  
此懷何以寄，風雨暮蕭蕭。

寄南徐劉員外二首

竟陵兵革際，歸復舊園林。  
早歲為官苦，常聞說此心。  
海邊山夜上，城外寺秋尋。  
應訝嵩峰約，蹉跎直到今。

畫公評衆製，姚監選諸文。  
風雅誰收我，編聯獨有君。  
餘生終此道，萬事盡浮雲。  
爭得重攜手，探幽楚水濱。

貽王秀才

功到難搜處知難始是詩自能探虎子何慮屈男兒此  
道真清氣前賢早白髭須教至公手不惜付丹枝

贈孫生

見君一作傳家詩自別君是繼詩人道出千途外功爭一字

新寂寥中影跡霜雪裏精神待折東堂桂歸來更苦辛

酬元員外

清洛碧嵩根寒流白照門園林經難別桃李樂株存衰



老江南日淒涼海上村閒未曬朱紱淚滴舊朝恩

與楊秀才話別

庾信哀何極仲宣悲苦多因思學文賦不勝弄干戈自古有如此於今終若何到頭重策策蹇歸去舊煙蘿

寄何崇丘貞外

門底桃源水涵空復映山高吟煙雨霽殘日郡樓間變俗真無事分題是不閒尋思章岸見全未有衰顏

贈劉五經

往年長白山發憤忍飢寒埽葉雪霜濕讀書唇齒乾羣  
經通講解八十尚輕安今日江南寺相逢話世難

送游山道者

我亦游山者常經舊所經雪消天外碧春曉海中青可  
見亂離世况臨衰病形憐君此行興獨入白雲屏

舟中江上望玉梁山懷李尊師

殘照玉梁巔峩峩遠擢前古來傳勝異人去學神仙白  
鹿老碧壑黃猿啼紫煙誰心共無事局上度流年

角

聞說征人說嗚嗚何處邊孤城沙塞地殘月雪霜天會  
轉胡風急吹長磧雁連應傷漢車騎名未勒燕然

言詩

畢竟將何狀根元在正思達人皆一貫迷者自多岐觸  
類風騷遠懷賢肺腑衰河橋送別者二子好相知

訓王秀才

離亂幾時休儒生厄遠遊亡家非漢代何處覓荊州旅

夢寒燈屋鄉懷晝雨樓相逢話相殺誰復念風流

春居寄友生

莎徑荒蕪甚君應共此情江村雷雨發竹屋夢魂驚社  
過多來燕花繁漸老鶯相思意何切新作未曾評

寄荅武陵幕中何支使二首

十萬雄軍幕三千上客才何當談笑外遠慰寂寥來騷  
雅鏘金擲風流醉玉顏爭知江雪寺老病向寒灰

南州無百戰北地有長征閒殺何從事傷哉蘇子卿江

樓聯雪句野寺看春耕門外滄浪水風波雜雨聲

浙江晚渡

去年曾到此久立滯前程岐路時難處風濤晚未平汀  
蟬含老韻岸荻簇枯聲莫泥關河險多遊自遠行


送人下第東歸再謁舊主人

一戰偶不捷東歸計未空還攜故書劍去謁舊英雄楚  
雪連吳樹西江正北風男兒藝若是會合值明公

寄謝高先輩見寄二首

穿鑿堪傷骨風騷久痛心永言無絕唱忽此惠希音  
楊柳江湖晚芙蓉島嶼深何因會仙手臨水一披襟  
詩在混茫前難搜到極玄有時還積思度歲未終篇  
片月雙松際高樓潤水邊前賢多此得風味若為傳

御定全唐詩卷八百四十一



總校官庶吉士 臣 張能照

校對官中書 臣 張 塤

膳錄貢生 臣 張映杓



欽定四庫全書薈要

集部

御定全唐詩卷八百四十四

二五

詳校官原任主事臣李斯咏

欽定四庫全書薈要卷一萬八千二百四十七

集部

御定全唐詩卷八百四十二

齊已

寄仰山光味長者

大仰禪棲處杉松到頂陰  
下來雖有路歸去每無心  
鳥道峰形直龍湫石影深  
徑行誰得見半夜老猿吟

貽廬岳陳沆秀才

為儒老雙鬢勤苦竟何如  
四海方磨劍空山自讀書  
石

圍泉眼碧秋落洞門虛莫慮搜賢僻徵君舊此居

邊上

漢地從休馬胡家自牧羊都來銷帝道渾不用兵防草  
上孤城白沙翻大漠黃秋風起邊雁一一向瀟湘

蟋蟀

聲異蟋蟀聲聽湏是正聽無風來竹院有月在莎庭雖  
不妨調瑟多堪伴誦經誰人向秋夕為爾欲忘形

寄西山鄭谷神

西望鄭先生焚修在香冥幾番松骨朽永換鬚根青石  
闕涼調瑟秋壇夜拜星俗人應撫掌間處誦黃庭

讀參同契

堪笑修仙侶燒金覓大還不知消息火只在寂寥闕鬢  
白爐中術魂飛海上山悲哉五千字無用在人間

聞落葉

楚樹雪晴後蕭蕭落晚風因思故國

一作園

夜臨

一作流水

幾株

一作林

空煮茗燒乾脆行苔踏爛紅來年未離此還

見碧叢叢

謝王先輩昆弟遊湘中廻各見示新詩

瀟湘多勝異宗社久衰回兄弟同遊去幽竒盡采來只  
應求妙唱何以示寒灰上國攜歸後唯呈不世才

寄酬高輦推官

道自閒機長詩從靜境生不知春豔盡但覺雅風清竹  
膩題幽碧蕉乾裂脆聲何當九霄客重疊記無名

逢詩僧

禪玄無可並

一作示

詩妙有何評五七字中苦百千年後

清難求方至理不朽始為名珍重重相見忘機話此情

### 話道

大道多大笑寂寥何以論霜楓翻落葉水鳥啄閒門服藥還傷性求珠亦損魂無端鑿混沌一死不還源

### 謝歐陽侍郎寄示新集

宮錦三十段金梭新織未殷勤謝君子迢遞寄寒灰鸞鷺對鼓舞神仙雙袂回誰當巧裁製披去升瑤臺

西墅新居

漸漸見苔青  
疎疎遍地生  
閒穿藤屐起  
亂踏石階行  
野鳥啼幽樹  
名僧笑此情  
殘陽竹陰裏  
老圃打門聲

酬孫魴

幽人還愛雲才子  
已從軍可信鴛鴻侶  
更思麋鹿羣  
新題雖有寄  
舊論竟難聞  
知己今如此  
編聯悉欲焚

掃地

日日掃復灑  
不容纖物侵  
敢望來客口  
道似主人心  
蟻

過光中少苔依潤處深門前亦如此一徑入疎林

書匡山隱者壁

紅霞青壁底石室薜蘿垂應有迷仙者曾逢採藥時  
桃花饒兩頰松葉淺長髭直是來城市何人識得伊

送乾康禪師入山過夏

由來喧滑境難駐寂寥蹤逼夏搖孤錫離城入亂峰  
雲門應近寺石路或穿松知在棲禪外題詩寄北宗

野鴨



野鴨殊家鴨離羣忽遠飛長生緣甚瘦近死為傷肥江  
海游空濶池塘啄細微紅蘭白蘋渚春暖刷毛衣

傷秋

旦暮餘生在肌膚十分無眠寒半榻朽立月一株枯夢  
已隨雙樹詩猶却萬夫名山未歸得可惜死江湖

懷東湖寺

鐵柱東湖岸寺高人亦閒往年曾每日來此看西山竹  
徑青苔合茶軒白鳥還而今在天末欲去已衰顏

寄峴山願公三首

形影更誰親  
應懷漆道人  
片言酬鑿齒  
半偈伏姚秦  
榛莽池經燒  
蒿萊寺過春  
心期重西去  
一共弔遺塵

相思恨相遠  
至理那時何  
道笑忘言甚  
詩嫌背俗多  
青苔閒閣閉  
白日斷人過  
獨上西樓望  
荆門千萬坡

彼此無消息  
所思江漢遙  
轉聞多患難  
甚說遠相招  
老至何悲歎  
生知便寂寥  
終期踏松影  
攜手虎溪橋

清夜作

不惜白日短乍容清夜長坐聞風露滴吟覺骨毛涼興  
寢無諸病空間有一牀天明振衣起苔砌落花香

贈白處士

莘野居何定浮生知是誰衣衫同墅叟指趣似禪師白  
髮應無也丹砂久服之仍聞創行計春暖上峩嵒

崔秀才宿話

事轉聞多事心休話苦心相留明月寺共憶白雲岑蘇  
壁殘蟲韻霜軒倒竹陰開門又言別誰竟慰塵襟

懷天台華頂僧

華頂危臨海，丹霞裹石橋。  
曾從國清寺上看，月明潮好  
鳥親香火狂。泉噴沈寥欲歸師，智者頭白路迢迢。

送人赴官

年少作初官，還如行路難。  
兵荒經邑里，風俗久凋殘。  
照硯花光淡，漂書柳絮乾。  
聊應充侍膳，薄俸繼朝餐。

水鶴

鴛鴦與鷓鴣，相狎豈慙君。  
比雪還勝雪，同羣亦出羣。  
靜

巢孤島月寒夢九臯雲歸路分明箇飛鳴即可聞

湘中感懷

漁翁那會我傲兀葦邊行亂世難逆跡乘流擬濯纓江  
花紅細碎沙鳥白分明向夕題詩處春風斑竹聲

九日逢虛中虛受

楚后萍臺下相逢九日時干戈人事地荒廢菊花籬我  
已多衰病君猶盡黑髭皇天安罪得解語便吟詩

贈李明府

名家宰名邑將謂屈鋒鋌直是難蘇俗能消不下堂冰  
痕生硯水柳影透琴牀何必稱瀟灑獨為詩酒狂

暮春久雨作

積雨向春陰冥冥獨院深已無花落地空有竹藏禽  
溜聲何暴隣僧影亦沈誰知力耕者桑麥最關心

渚宮莫問詩一十五首

并序

予以辛巳歲蒙主人命居龍安寺察其疎鄙免以  
趨奉爰降手翰曰蓋知心不在常禮也予不覺欣

然而作顧謂形影曰爾本青山一衲白石孤禪今  
王侯構室安之給俸食之使之樂然萬事都外游  
息自得則雲泉猿鳥不必為狎其放縱若是夫何  
繫乎自是龍門牆仞歷稔不復瞻覬况他家哉因  
創莫問之題凡一十五篇皆以莫問為首焉

莫問疎人事王侯已任伊不妨隨野性還似在山時靜  
入無聲樂狂拋正律詩自為仍自愛清淨裏尋思

一作  
敢望

至公  
知

莫問伊嵇懶流年已付他話通時事少詩着野題多夢  
外春桃李心中舊薜蘿浮生此不悟剃髮竟如何

莫問休行脚南方已徧尋了應湏自了心不是他心赤  
水珠何覓寒山偈莫吟誰同論此理杜口少知音

莫問孱愚格天應只與閒合居長樹下那稱衆人間跡  
絕為真隱機忘是大還終當學支遁買取箇青山

莫問無求意浮雲喻可知滿盈如不戒倚伏更何疑樂  
矣賢顏子窮乎聖仲尼已過知命歲休把運行推



莫問閒行趣春風野水涯  
千門無謝女兩岸有楊花  
好鶴曾為客真龍或作蛇  
躊躇自迴首日脚背樓斜

莫問真消息中心只自知  
清風含笑詠明月混希夷  
壤衲涼天擁玄文靜夜披  
善哉溫伯子言望至公知

一作  
言外

認揚

莫問休持鉢從貧乞已疎  
侯門叨月俸齋食剩年儲  
簪履三千外形骸六十餘  
舊峰呵練若松徑接匡廬

莫問依劉跡金臺又度秋  
威儀非上客譚笑愧諸侯  
禮

許無拘檢詩推異輩流東林未歸得搖落楚江頭

莫問無機性甘名百鈍人一牀鋪冷落長日卧精神分  
已疎知舊詩還得意新多才碧雲客時或此相親

莫問關門意從來寡往還道應歸淡泊身合在空閒四  
面苔圍綠孤窗雨灑斑夢尋何處去秋色水邊山

莫問

逐性情人間高此道禪外剩他名夏

松邊坐秋光水畔行更無時忌諱容易得題成

首聯  
缺五

字第五句

缺一字

莫問多山興，晴樓獨凭時。  
六年滄海寺，一別白蓮池。  
句

早逢名匠禪，曾見祖師冥。  
搜與真性清，外認揚眉。

一作清淨

裏尋

思

莫問衰殘質，流光速可悲。  
寸心修未了，長命

一作壽

欲何

為坐卧，身多倦。經行骨漸疲，  
分明說此苦。珍重竺乾師。

莫問野騰騰，勞形已不能。  
慙懃無上士，珍重有名僧。  
坐

覺心心默行，思步步冰。  
終歸石房裏，一點夜深燈。

荊州新秋病起雜題一十五首

病起見王化

病起見王化融融古帝鄉  
曉煙凝氣紫晚色作雲黃  
四野歌豐稔千門唱樂康  
老身仍未死猶詠好風光

病起見圖畫

病起見圖畫雲門興似饒  
衲衣梭笠重嵩岳華山遙  
命在齋猶赴刀閒髮盡凋  
秋光漸輕健欲去倚江橋

病起見苔錢

病起見苔錢規模遍地圓  
兒童掃不破子母自相連  
潤

屋何曾有緣牆謾可憐虛教作銅臭空使外人傳

病起見庭竹

病起見庭竹君應悲我情何妨甚消瘦却稱苦修行每  
謝侵牀影時迴傍枕聲秋來漸平復吟遶骨毛輕

病起見生涯

病起見生涯資緣覺甚奢方袍嫌垢弊律服變光華頗  
愧同諸俗何嘗異出家三衣如兩翼珍重汝一作寒鴉

病起見秋扇

病起見秋扇風前悟感傷念予當咽絕得爾致清涼沙  
鷺如搖影汀蓮似綻香不同婕妤詠託意怨君王

病起見衰葉

病起見衰葉飄然似我身偶乘風有韻初落地無塵縱  
得紅霑露爭如綠帶春因傷此懷抱聊寄一篇新

病起見庭栢

病起見庭栢青青我不任力扶乾瘦骨勉對歲寒心韻  
謝疎篁合根容片石侵衰殘想長壽時倚就閒吟

病起見庭蓮

病起見庭蓮，風荷已颯然。  
開時聞馥郁，枕上正纏綿。  
本在滄江澗，移來碧沼圓。  
却思香社裏，葉葉漏聲連。

病起見庭菊

病起見庭菊，幾勞栽種工。  
可能經臥疾，相倚自成叢。  
翠萼低含露，金英盡亞風。  
那知予愛爾，不在酒杯中。

病起見庭石

病起見庭石，豈知經夏眠。  
不能資藥價，空自作苔錢。  
翠

憶藍光底青思瀑影邊巖僧應笑我細碎種階前

病起見庭莎

病起見庭莎綠階傍竹多遠行猶未得靜聽復如何蟋蟀幽中響蟋蟀深處歌不緣田地窄剩種任婆婆

病起見苔色

病起見苔色凝然陣未枯淺深圍柱礎詰曲遶廊廡碧翠文相間青黃勢自鋪為錢虛玷染畢竟不如無

病起見秋月



病起見秋月正當三五時清光應鑒我幽思更同誰惜  
坐身猶倦牽吟氣尚羸明年七十六約此健相期

病起見閒雲

病起見閒雲空中聚又分滯留堪笑我舒卷不如君觸  
石終無跡從風或有聞仙山足鸞鳳歸去自同羣

夜坐聞雪寄所知

初宵飛霰急竹樹灑乾輕不是知音者難教愛此聲漸  
凌孤燭白偏激苦心清堪笑同文友忘眠坐到明

懷洞庭

憶過巴陵歲無人問去留中宵滿湖月獨自在僧樓  
漁父真閑唱靈均是謾愁今來欲長往誰借木蘭舟

欲遊龍山鹿苑有作

龍山門不遠鹿苑路非遙合逐閒身去何須待客招  
年華殘兩鬢筋骨倦長宵聞說峰前寺新修白石橋

再逢晝公

竟陵西別後徧地起刀兵彼此無緣着雲山有處行  
久

吟難敵句終忍不求名年鬢俱如雪相看眼且明

送人遊武陵湘中

為子歌行樂西南入武陵風煙無戰士賓榻有吟僧山  
遠軍城疊江臨寺閣層遍尋幽勝了湘水泛清澄

酬九經者

九經三史學窮妙又窮微長白山初出青雲路欲飛江  
僧酬雪句沙鶴識麻衣家在黃河北南來偶未歸

寄贈集灘二公

聞有難名境因君住更名軒窗中夜色風月遠灘聲客  
好過無厭禽幽畫不成終期一尋去聊且寄吟情

夏日作

燕雀語相和風池滿芰荷可驚成事晚殊喜得閒多竹  
衆涼欺水苔繁綠勝莎無慙孤聖代賦詠有詩歌

行路難

下浸與高盤不為行路難是非真險惡翻覆作峰巒漆  
媿同時黑朱慙巧一作汚處丹令人畏相識欲畫白雲看

送玉泉道者迴山寺

却憶西峰頂經行絕愛憎別來心念念歸去雪層層石  
塢尋春笋苔龕續夜燈應悲塵土裏追逐利名僧

謝王拾遺見訪兼寄篇什

竹裏安禪處生涯一印灰經年乞食過昨日諫臣來愧  
把黃梅偈曾酬白雪才因令識鳥跡重疊在蒼苔

題張氏池亭

樹石叢叢別詩家趣向幽有時閒客散始覺細泉流蝶

到琴棋畔花過島嶼頭月明紅藕上應見白龜遊

送人南遊

且聽吟贈遠君此去蒙州瘴國頻聞說邊鴻亦不遊巒  
花藏孔雀野石亂

一作  
隱

犀牛到彼誰相慰知音有郡侯

題明公房

寺北聞湘浪窗南見嶽雲自然高日用何要出人羣瓦  
滴殘松雨香爐匝印文近年精易道疑者曉紛紛

寄顧處士

半年離別夢來往即湖邊兩幅關山雪尋常在眼前  
項容藏古翠張藻卷寒煙藍淀圖花鳥時人不惜錢

貽一作徐生

贈

可能東海子清苦在貧居掃地無閒客堆窗有古書  
少年猶若此向老合何如去歲頻相訪今來見亦疎

謝虛中上人晚秋見寄

楚外同文在荆門得信時幾重相別意一首晚秋詩日  
暮山沈雨蓮殘水滿池登樓試南望為子動歸思





御定全唐詩卷八百四十二